



**ҚАРЖЫ
ПИРАМИДАСЫН
ҚҰРУШЫЛАРМЕН
КҮРЕС КҮШЕЙДІ**

3-бет



**ӘДІЛДІК
ҮСТЕМДІК
ҚҰРДЫ**

5-бет

ЗАҢ газеті

✉ zangazet@mail.ru

№39 (3570) 30 мамыр 2023



ZANMEDIA.KZ

Қоғамдық-саяси, құқықтық газет

БҮГІНГІНІҢ БАС ТАҚЫРЫБЫ

ТАРИХҚА ТАҒЗЫМ



31-мамыр – саяси қуғын-сүргін және ашаршылық құрбандарын еске алу күні. «Ақтабан шұбырынды, Алқакөл сұламадан» басталатын аштық пен репрессия жылдары қазақ халқына ұлт ретінде жойылып кету қаупі төнген-ді. 1925 жылы қыркүйекте Қазақстанға басшылық қызметке Ф. Голощекиннің келуі елде орын ала бастаған аштық, теріс саясат жағдайын одан бетер ушықтырды.

(Соңы 3-бетте)

ҰТЫСТАН ҚҰР ҚАЛМАҢЫЗ!

Біздің басылымдарға жазылып, ұтысты болыңыз!
Басты сыйлық – **АЙФОН 14 ПРО МАКС!**
Бұдан бөлек: Айфонның құлаққабы, сағаты, 2 REDMI NOTE 11 Pro ойнатылады. Сондай-ақ, қысқатолқынды пеш, шаңсорғыш, үтік секілді көптеген тұрмыстық техникалар бар. Бірқатар жұлдегер «Заң» медиа-корпорациясының қолдауымен жарыққа шыққан «ШЫТЫРМАН» шығармалар жинағына ие болады.

ҰТЫСҚА ҚАТЫСУ ҮШІН НЕ КЕРЕК?

Ол үшін пошта бөлімшесіне барып:

«Заң газетіне» (индекс – 65921); «Юридическая газетаға» (индекс – 65928); «Заң» журналына (индекс – 75849); «Фемида» журналына (индекс – 75858) жыл соңына дейін жазылып, түбіртектің көшірмесін бізге жолдасаңыздар болғаны!

Екі басылымға жазылғандардың мүмкіндігі екі есе өседі!

ҰТЫС ИЕГЕРЛЕРІ 17 ШІЛДЕДЕ АНЫҚТАЛАДЫ.

Ал, іске сәт!



СҰХБАТ

Азизхан ИСМАИЛОВ,
Түркістан облысы Қазығұрт ауданының әкімі:

«МАҚСАТЫМЫЗ - БЕРЕКЕЛІ ҚОҒАМ ҚАЛЫПТАСТЫРУ»

– Азизхан Әзімханұлы, былтыр ауданда шағын және орта бизнесті дамыту саласы бойынша қандай іс атқарылды?

– Қазығұрт ауданында шағын және орта бизнес саласын дамыту үшін өткен жылы жалпы 65 жоба іске асырылған. Сонымен қатар, Мемлекет басшысының «Ауыл аманаты» жобасы ауданда Шарбұлақ және Шанақ ауылдық округтерінде пилоттық режимде іске асырылуда. Атап айтсақ, Шарбұлақ ауылы округінде сүт, ал Шанақ ауылында ет бағытындағы жобалар қолға алынған. Сондай-ақ, Мемлекет басшысының 10 мың тұрғынға 100 тұрақты жұмыс орнын құру туралы тапсырмасы бойынша ауданда 2022 жылдың қорытындысымен 1 421 жаңа жұмыс орны құрылып, жылдық жоспар 2 есеге артық орындалған. Ал, биыл 1 152 жаңа жұмыс орындарын құру жоспарланып, 3 айдың қорытындысымен 309 жаңа жұмыс орны ашылып отыр.

(Соңы 5-бетте)

КӨКЕЙКЕСТІ

ОТБАСЫНЫҢ СӘНІ – СЫЙЛАСТЫҚ

Отбасы – адам үшін ең жақын әлеуметтік орта. Отбасы белгілі дәстүрлердің, жағымды өнегенің, мұралар мен салт-дәстүрдің сақтаушысы. Сонымен бірге, отбасы – баланың азамат болып өсуінің негізі.

Өкінішке қарай, соңғы жылдардағы ажырасу статистикасы жанымызды жабырқатады. Бұрын некенің бұзылуы төтенше жағдай саналса, бүгінде ажырасу қарапайым нәрсеге айналып барады. Неліктен? Әлем өзгеруде, біз де өзгердік. Некеге деген көзқарас та өзгерді. Бұрын ата-әжелеріміз отбасын бір рет және біржола құруды мақсат етті! Олар қаржыға, экономикалық қиындыққа қарамастан, балаларын дүниеге әкелді, олар қоғамның, ұжымның бір бөлшегі екенін сезінуге тырысты. Ал қазіргі жастар бірінші қаржылық әл-ауқатқа, өз жоспарын жүзеге асыруға, өз амбициясын қанағаттандыруға

ұмтылуда. Жастар өзімізшіл, атаққұмар болып кетті. Енді жеке тұлға болуға деген ұмтылысты анық көруге болады. Қазір отбасы көбінесе «ұлы» мақсатқа немесе жоспарға жетудің бір қадамы ретінде құрылады, бірақ басты емес.

Адамдар неге ажырасады? Мұның көптеген себебі бар. Екі адам отбасын құруға шешім қабылдағанда, қадамды бір-біріне деген сүйіспеншілік пен нәзіктік, сенімділік пен адамға деген құрмет негізінде жасайды. Бірақ күнделікті өмірде олар билік үшін күреске түседі, бәсекеге түседі және соның нәтижесінде әрқайсысы өз пайдасын сақтай отырып,

құқығы мен міндетін бөліседі. Ал отбасы мүлдем басқа құрылым, онда теңдікке ұмтылудан гөрі, бір-бірін түсінуге, құрметтеуге және қолдауға тырысу керек.

Көптеген отбасылық қақтығыстың негізгі себебі – біз бірте-бірте өз жартымыздан жеке тұлғаны көруді тоқтатамыз, біз оны өзімізге пайдалы функциялар жиынтығы ретінде қарастыра бастаймыз, біз жұбайымыздың ең жақсы қасиетін байқамауға, бағаламауға үйренеміз. Осылайша өз бойындағы жағымсыз нәрсені дамыта отырып, ерлі-зайыптылар жанжалдасып, дауласа бастайды. Егер тілек пен шыдамдылық болса, отбасындағы кез келген мәселені шешуге болады. Оны өзімізбен жұмыс істеу арқылы үйрену керек.

СОҚЫР ЕРКЕК, МЫЛҚАУ ӘЙЕЛ... Тура мағынасында емес, әрине!

Әйелі тамақты дәмді істесе, күйеуі үндемей қалмау керек: «ммм, қандай дәмді» деп, қайта тамақ дәмсіз болса үндемеу керек. Жер бетінде кемшіліксіз адам жоқ. Демек, кемшіліксіз қарым-қатынас та болмайды. Әр отбасы өзінің күнделікті шым-шытырық оқиғасымен өмір сүруде. Бірақ...

...Бірақ сол отбасының іргетасын қалаушы

ерлі-зайыптылар керек емес жерде көрмей қалып, есту керек сөзді естімей қалатындай уақытта «соқыр, мылқау» болса, отбасы тыныштығы берік болмақ! Негізгі ерлі-зайыптының екеуі де өзіміздік пен тақапарлықты ысырып қойып, отбасын сақтап қалуға тырысуы керек. Себебі, шайтанның ең үлкен жеңісі – екі жастың арасын бұзып, шаңырақты шайқалту!

Кейде шыбынның қанаты артта тұрған үлкен тауды көлегейлеп, көрсетпей тұрады. Сол секілді ұсақ-түйек ұрыс пен түсініспеушілік те кейде өзіміздік пен әйелінің таудай жақсылығын ұмыттырып жібереді. Содан соң арақатынас бұзылады, сыйластық кетеді...

Ерлі-зайыптылар бір-бірін барынша түсініп, жақсылығын асырып, жамандығын жасырып, кемшілік пен олқылықты елемесе, арадағы сыйластық та махаббат та артады! Сондықтан азды-көпті қателіктерге көз жұмып, барлық нәрсеге сабыр етіп шыдамдылық танытқан адам ғана жақсылыққа қол жеткізетінін ұмытпау керек.

Отбасының ең маңызды қызметінің бірі – тәрбиелеу. Оны қоғамдық тәрбиенің ең тиімді деген жүйесі де алмастыра алмайды.

(Соңы 4-бетте)

ХАБАРЛАНДЫРУ!

Қазалы ауданы аумағындағы ауыл шаруашылығы жерлерінен шаруа немесе фермер қожалығын, ауыл шаруашылығы өндірісін жүргізу үшін уақытша өтеулі жер пайдалану (жалға алу) құқығын беру жөніндегі конкурсты өткізу жөніндегі қосымша хабарламаны тиісті облыс шегіндегі аудандардың, облыстық маңызы бар қалалардың жергілікті атқарушы органдарында және орталық уәкілетті органдарының интернет-ресурсында жарияланған.

Конкурсқа қатысуға өтінімдерді қабылдау Қазалы ауданы, Әйтеке би кенті, Жанқожа Нұрмұхамедұлы көшесі №130 мекен-жайында орналасқан «Қазалы ауданының ауылшаруашылығы мен жер қатынастары бөлімі» коммуналдық мемлекеттік мекемесінде 2023 жылдың 14 маусым сағат 9.00 - ден бастап 2023 жылдың 27 маусым сағат 19.00-ге дейін қабылданады.

Конкурс өткізілетін орын Қазалы ауданы, Әйтеке би кенті, Жанқожа Нұрмұхамедұлы көшесі №130 мекен-жайындағы Қазалы ауданы әкімдігінің мәжіліс залы, 2023 жылдың 29 маусым күні сағат 10.00-ден бастап өткізілетіндігін хабарлаймыз.

1) Шаруа немесе фермер қожалығын, ауыл шаруашылығы өндірісін жүргізу үшін уақытша өтеулі жер пайдалану (жалға алу) құқығын беру жөніндегі конкурсқа қатысуға өтінімді;

Қазақстан Республикасының мемлекеттік емес заңды тұлғалары үшін - заңды тұлғаның атауы, оның тұрған жері, заңды тұлға ретінде мемлекеттік тіркелуі (қайта тіркелуі) туралы мәліметтер, жарғылық капиталдағы (жарғылық капиталдың жалпы мөлшерінен) үлестерінің мөлшері көрсетіле отырып, өтінім берушінің - заңды тұлғаның басшылары мен қатысушылары немесе акционерлері туралы мәліметтер, өтінім берушінің үлестес тұлғалары туралы мәліметтер;

2) жеке тұлғалар үшін - өтінім берушінің тегі, аты және әкесінің аты (егер ол жеке басын куәландыратын құжатта көрсетілген болса), тұрғылықты жері, азаматтығы, жеке сәйкестендіру нөмірі, өтінім берушінің жеке басын куәландыратын құжат туралы мәліметтер;

3) өтінім беруші үміттеніп отырған жер учаскесінің орналасқан жері;

4) конкурстық ұсыныс;

5) өтінім беруші шаруа немесе фермер қожалығын, ауыл шаруашылығы өндірісін жүргізу үшін уақытша өтеулі жер пайдалану (жалға алу) құқығын беру жөніндегі конкурстың жеңімпазы деп танылған жағдайда, шаруа немесе фермер қожалығын не ауыл шаруашылығы өндірісін жүргізу үшін ауыл шаруашылығы мақсатындағы жер учаскесін уақытша өтеулі жер пайдалану (жалға алу) шартына қол қою қажеттігі туралы хабарламаны алған күннен бастап үш жұмыс күні ішінде көрсетілген шартты жасасу жөніндегі міндеттеме қамтылуға тиіс.

Шаруа немесе фермер қожалығын, ауыл шаруашылығы өндірісін жүргізу үшін уақытша өтеулі жер пайдалану (жалға алу) құқығын беру жөніндегі конкурсқа қатысуға өтінімді жеке тұлғаның немесе Қазақстан Республикасының мемлекеттік емес заңды тұлғасының уәкілетті өкілдері Қазақстан Республикасының заңнамасына сәйкес берілген және рәсімделген сенімхаттың негізінде ұсына алады.

Байланыс телефоны: 8(72438) 79-2-80, ішкі нөмір: 6971

Мемлекеттік меншіктегі жер учаскелерін шаруа немесе фермер қожалығын, ауыл шаруашылығы конкурсына шығарылатын жер учаскелерінің тізбесі

Table with 8 columns: №, Жер учаскесінің орналасқан орыны, Жер учаскесінің көлемі, Жер учаскесінің нысаналы мақсаты, Жер пайдалану құқығы, Топырақтың сипаттамасы, Алқаптардың құрамы, Судың болуы. Rows 1-15 detailing land parcels for agricultural use.

Table with 8 columns: №, Жер учаскесінің орналасқан орыны, Жер учаскесінің көлемі, Жер учаскесінің нысаналы мақсаты, Жер пайдалану құқығы, Топырақтың сипаттамасы, Алқаптардың құрамы, Судың болуы. Rows 16-40 detailing land parcels for agricultural use.

ЗАҢ газеті

Редакторлар кеңесінің төрағасы – директор Досымбек ӨТЕҒАЛИЕВ

Бас редактор Айнұр СЕМБАЕВА Бас редактордың орынбасары Шолпан ҚАРАЕВА

Нөмірдің кезекші редакторы Ерлік КЕБЕКБАЙ

Меншік иесі: «ЗАҢ» МЕДИА-КОРПОРАЦИЯ»

ЖАУАПҚЕРШІЛІГІ ШЕКТЕУЛІ СЕРІКТЕСТІГІ

МЕНШІКТІ ТІЛШІЛЕР:

Table listing staff members and their contact information: Астана, Алматы облысы, Ақтөбе облысы, Атырау облысы, Маңғыстау облысы, Қызылорда облысы, Түркістан облысы, Батыс Қазақстан облысы.

РЕДАКЦИЯНЫҢ МЕКЕНЖАЙЫ:

050012, Алматы қаласы, Х.Досмұхамедұлы көшесі 68 «б»-үй. Қабылдау бөлмесі: 292-43-43, 8 708 929 9874, zangazet.kz

E-mail: zanreklamaastana@mail.ru

«Заң газеті» аптасына 2 рет – сейсенбі, жұма күндері жарық көреді. Жеке таралым 6610 дана Апталық таралым 11 220 дана

Тапсырыс №77 Индекс 65921

Газет Қазақстан Республикасы бойынша таралады

Газетіміздің электронды нұсқасын ZANMEDIA.KZ сайтынан оқи аласыздар.

Газет бетіндегі жарияланымдардың позициясы мен фактілері үшін редакция жауап бермейді.

Жарнама мен хабарландырулардың мазмұнына жарнама беруші жауапты. Жарнама берушінің жіберген қателігіне байланысты талал-тілектер хабарландыру жарияланған күннен бастап екі ай мерзім ішінде қабылданады.

Газетті есепке қою туралы №16297-Г куәлікті 2017 жылғы 12 қаңтарда Қазақстан Республикасының Ақпарат және коммуникация министрлігі берген.

Газеттің терімі мен бет қатпау жұмыстары «Заң» Медиа-корпорация» ЖШС компьютерлік орталығында жасалды. Алматы облысы, Іле ауданы, Өтеген батыр ауылы, Сейфуллин көшесі, 2«б», «Принт плюс» ЖШС баспаханасында басылып шығарылды. Тел.: факс: 8 (727) 51-78-27, 8 (727) 51-78-31